

Na osnovu člana 5. stav (1) Kriterija za utvrđivanje liste prioriteta za izdavanje stanova u podzakup u objektima O-9 i O-10 na lokaciji "OTES" Ministarstvo za rad, socijalnu politiku, raseljena lica i izbjeglice Kantona Sarajevo, raspisuje

**JAVNI POZIV
ZA PODNOŠENJE ZAHTJEVA ZA IZDAVANJE STANOVA
U PODZAKUP U OBJEKTIMA O-9 I O-10 NA LOKACIJI "OTES"
ZA 2024. GODINU**

I

U skladu sa odredbama Kriterija za utvrđivanje liste prioriteta za izdavanje stanova u podzakup u objektima O-9 i O-10 na lokaciji "OTES" ("Službene novine Kantona Sarajevo", broj: 21/23) raspisuje se Javni poziv za podnošenje zahtjeva za izdavanje stanova kojima raspolaže Ministarstvo za rad, socijalnu politiku, raseljena lica i izbjeglice Kantona Sarajevo u objektima O-9 i O-10 na lokaciji "OTES" u podzakup stambeno nezbrinutim licima koja se nalaze u stanju socijalne potrebe (u daljem tekstu: korisnici) i članovima njihovog porodičnog domaćinstva, odnosno zajedničkog domaćinstva iz Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16, 40/18 i 16/23) (u daljem tekstu: porodičnog domaćinstva).

II

Korisnici stanova su:

a) korisnici lične invalidnine po Zakonu o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16, 40/18 i 16/23) (osobe sa invaliditetom i civilne žrtve rata),

-dokaz, rješenje o ostvarenom pravu na ličnu invalidninu po Zakonu o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16, 40/18 i 16/23),

b) korisnici dodatka za njegu i pomoć druge osobe I i II grupe po Zakonu o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16, 40/18 i 16/23) (osobe sa invaliditetom i civilne žrtve rata)

-dokaz, rješenje o ostvarenom pravu na dodatak za njegu i pomoć druge osobe I i II po Zakonu o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16, 40/18 i 16/23),

c) korisnici stalne novčane pomoći,

-dokaz, rješenje o ostvarenom pravu na stalnu novčanu pomoć po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14-Prečišćeni tekst, 38/16, 44/17, 28/18, 52/21 i 40/22),

d) korisnici novčane naknade za pomoć i njegu od strane drugog lica-stara i nemoćna lica po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14-Prečišćeni tekst, 38/16, 44/17, 28/18, 52/21 i 40/22),

-dokaz, rješenje o ostvarenom pravu na novčanu naknadu za pomoć i njegu od strane drugog lica-stara i nemoćna lica po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14-Prečišćeni tekst, 38/16, 44/17, 28/18, 52/21 i 40/22),

e) lica koja imaju binauralni gubitak sluha od 95-100% po Fowler-Sabine,

-dokaz, ljekarski nalaz u kojem je utvrđeno da korisnik ima binauralni gubitak sluha od 95-100% po Fowler-Sabine,

f) samohrani roditelj, kojim se u smislu ovih kriterija smatra roditelj koji nije u braku i ne živi u bračnoj zajednici, sam izdržava svoju djecu i vrši roditeljsko pravo nad svojom djecom,

-dokaz da roditelj nije u braku i ne živi u bračnoj zajednici, rodni list podnosioca zahtjeva, smrtni list za bračnog druga, rodni list djeteta iz kojeg je vidljivo da je otac nepoznat ili dokaz da je drugi roditelj na izdržavanju zatvorske kazne,

-dokaz da roditelj sam izdržava svoju djecu, izjava samohranog roditelja,

-dokaz da roditelj vrši sam roditeljsko pravo nad svojom djecom, izjava samohranog roditelja ili odluka nadležnog suda o oduzimanju roditeljskog staranja jednom od roditelja,

g) roditelji sa maloljetnom djecom ili djecom sa nekim oblikom invaliditeta ili punoljetnim djetetom/djecom kojoj/kojima je oduzeta poslovna sposobnost,

-dokaz, rodni list djeteta, nalaz Instituta za medicinsko vještačenje zdravstvenog stanja djeteta, rješenje djeteta o ostvarenom pravu po osnovu invaliditeta, dokaz o provedenoj kategorizaciji za dijete, rješenje nadležnog suda o oduzimanju poslovne sposobnosti djetetu,

h) lica kojima je priznat status civilne žrtve rata,

- dokaz, rješenje o priznatom statusu civilne žrtve rata po Zakonu o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16, 40/18 i 16/23) ili uvjerenje nadležne općinske službe o statusu civilne žrtve rata,

i) žrtve nasilja u porodici.

-dokaz, akt da se radi o žrtvi nasilja u porodici.

III

Dokaz da podnosilac zahtjeva ili član porodičnog domaćinstva boluje od teških bolesti je akt izdat u skladu sa Listom teških bolesti i teških tjelesnih povreda iz Naredbe o listi teških bolesti, odnosno teških tjelesnih povreda temeljem kojih se ostvaruje naknada za slučaj teške invalidnosti ili teške bolesti ("Službene novine Federacije BiH", broj: 30/05).

IV

Dokazi o ispunjavanju uslova na izdavanje stana u podzakup za podnosioca zahtjeva i članove porodičnog domaćinstva, koji ne smiju biti stariji od 6 mjeseca od dana podnošenja zahtjeva su:

a) uvjerenje o kretanju MUP-a Kantona Sarajevo za podnosioca zahtjeva i CIPS prijave za članove porodičnog domaćinstva,

b) Akt ZK Ureda Općinskog suda u Sarajevu da podnosilac zahtjeva i članovi porodičnog domaćinstva nisu vlasnici nekretnina u Kantonu Sarajevo ili uvjerenje nadležnog katastarskog ureda o neposjedovanju nekretnine i ovjerena izjava data pred općinskim organom uprave da podnosilac zahtjeva i članovi porodičnog domaćinstva nemaju riješeno stambeno pitanje na području Bosne i Hercegovine, te ga ne mogu riješiti po drugom osnovu,

c) ovjerena izjava podnosioca zahtjeva data pred općinskim organom uprave da nema zaključen Ugovor o doživotnom izdržavanju,

d) ovjerena izjava podnosioca zahtjeva data pred općinskim organom uprave da nema zaključen Ugovor o poklonu nekretnina u posljednjih 5 godina,

e) ovjerena izjava podnosioca zahtjeva data pred općinskim organom uprave da nije prodao nekretnine u posljednjih 5 godina,

f) ovjerena kućna lista u općinskom organu uprave o članovima porodičnog domaćinstva podnosioca zahtjeva.

V

Dokazi o prihodima podnosioca zahtjeva i članova porodičnog domaćinstva čine prihodi iz člana 9. Zakona o socijalnoj zaštiti, zaštite civilnih žrtava rata i zaštite porodice sa djecom ("Službene novine Kantona Sarajevo", broj: 38/14-Prečišćeni tekst, 38/16, 44/17, 28/18, 52/21 i 40/22) i to:

1. Zadnji ček od penzije,
2. Dokaz o prosječnoj neto plaći u posljednjih šest mjeseci prije podnošenja zahtjeva;
3. Akt nadležne poreske uprave da podnositelj zahtjeva ili član porodičnog domaćinstva nije poreski obveznik;
4. Dokaz o prihodima po osnovu propisa iz invalidsko-boračke zaštite i zaštite civilnih žrtava rata, te prava neratnih invalida i prava iz oblasti socijalne zaštite pribavlja JU "Kantonalni centar za socijalni rad" - službe socijalne zaštite po službenoj dužnosti;
5. Akt JU "Služba za zapošljavanje Kantona Sarajevo" Sarajevo o nezaposlenosti podnosioca zahtjeva ili člana porodičnog domaćinstva;
6. Uvjerenje o redovnom školovanju za članove porodičnog domaćinstva koji su na redovnom školovanju.

VI

JU "Kantonalni centar za socijalni rad" - službe socijalne zaštite će po potrebi uvidom u vlastitu evidenciju po službenoj dužnosti izvršiti provjeru tačnosti dokumentacije koja je dostavljena uz zahtjev za izdavanje stanova u podzakup u skladu sa ovim javnim pozivom.

VII

Zahtjevi za izdavanje stanova kojima raspolaže Ministarstvo za rad, socijalnu politiku, raseljena lica i izbjeglice Kantona Sarajevo u objektima O-9 i O-10 na lokaciji "OTES" u podzakup stambeno nezbrinutim licima koja se nalaze u stanju socijalne potrebe podnosi se JU "Kantonalni centar za socijalni rad" - Službi socijalne zaštite općine na kojoj podnositelj zahtjeva ima prebivalište i to:

- Služba socijalne zaštite općine Ilijaš, ulica Ivana Franje Jukića 6
- Služba socijalne zaštite općine Ilidža, ulica Abdulaha efendije Kantamirije 2
- Služba socijalne zaštite općine Vogošća, ulica Omladinska 41
- Služba socijalne zaštite općine Stari Grad, ulica Zelenih beretki 14
- Služba socijalne zaštite općine Centar, ulica Zaima Šarca 13
- Služba socijalne zaštite općine Novo Sarajevo, ulica Azize Šaćirbegović 96
- Služba socijalne zaštite općine Novi Grad, ulica Gatačka 78
- Služba socijalne zaštite općine Hadžići, ulica Hadželi do br. 185.

VIII

Rok za podnošenjem zahtjeva je 10.11.2023. godine, a svi zahtjevi podneseni nakon ovog roka smatraće se neosnovanim i kao takvi će biti odbačeni bez razmatranja.

IX

Prijedlog Liste korisnika za narednu kalendarsku godinu JU "Kantonalni centar za socijalni rad" putem Ministarstva za rad, socijalnu politiku, raseljena lica i izbjeglice Kantona Sarajevo dostavlja Vladi Kantona Sarajevo koja utvrđuje Konačnu listu korisnika, a koju će JU "Kantonalni centar za socijalni rad" - službe socijalne zaštite držati na oglasnoj ploči.

X

Lica kojima se u objektima O-9 i O-10 na lokaciji "OTES" izdaju stanovi u podzakup, obavezni su JU "Kantonalni centar za socijalni rad" - Službi socijalne zaštite Općine Ilidža podnijeti zahtjev za izdavanje stana u podzakup za narednu kalendarsku godinu u skladu sa objavljenim Javnim pozivom, kako bi se izvršila provjera ispunjenosti uslova za izdavanje stanova u podzakup.

XI

Javni poziv će biti objavljen na web stranici Ministarstva za rad, socijalnu politiku, raseljena lica i izbjeglice Kantona Sarajevo i u jednim od dnevnih novina koje se distribuiraju u Bosni i Hercegovini, dok će isti biti okačen na Oglasnoj ploči JU "Kantonalni centar za socijalni rad" i nadležnih općinskih službi socijalne zaštite.

Broj: 13-05/1-04-43768/23
Sarajevo, 12.10.2023. godine

